

IOHANNIS BIDEELLI

(ANGLI)

ACADEMIE OXONIENSIS

quondam

ARTIVM MAGISTRI

CELEBERRIMI

V I T A



LONDINI,

Typis DARBIANIS, MDCLXXXII.

JOHANNIS BIDELLI

(ANGELI)

ACADEMIE OXONIENSIS

probandum

ARTIVM MAGISTRI

CERTIFICATVM

VITAE



49;00


LONDINI

THE DARTMOUTH PRESS, M.DCCXXII.

JOANNIS BIDELLI

(Angli)

VITA



Nil est, opinor, difficilius,
quàm virutes vitamque Vi-
rorum omni laude digno-
rum suis nominibus ac ve-
luti suis coloribus depinge-
re. Nam si quid fortè com-
memores quod verum non
sit, etiàm quod verum est, falsi permixtione
in dubium adducis: sin' verò quid omittas,
quod maximè dignum memoratu fuerat,
etiàm si cuncta quæ recenseas vera sint, multū
tamen de pretio perdunt, quod alioqui majus
habitura fuissent. Fides in narrando veritatē
utrobiq; tuetur. Illic cavet ne fictā rerum ima-
gine decipiat incautos; hic ne veri suppres-
sione bonis injuriam, virtuti fraudem faciat.
Hæc non minùs scribenti contra calumnias,
quàm illis, de quibus scribitur, contra iniquas
dubitandi causas securitatem præstat. Hanc
nos quoque vitam summi nostræ ætate Viri

JOANNIS BIDEELLI literarum tradituri monumentis conabimur sectari tuerique. Siquidem ea duntaxat hic commemorabimus, quæ extra omnem dubitationis aleam posita, ne ipsi quidem ejus, si qui adhuc supersint, adversarii reprehendere valeant. Utamur etiam oratione non aut verborum ambagibus obscuratâ, aut sententiarum phaleris exornatâ, sed, quali consuevimus, & brevi, & simplici, & perspicuâ.

Ut igitur ab ovo, quod dicitur, rem ordiamur, lucem primò conspexit Bidellus anno post Christum natum millesimo sexcentesimo decimo quinto, circa initium mensis Januarii in oppido Comitatus Glocestriensis *Watton-under-edge* nuncupato. Pater illi fuit Edwardus Bidellus, Mater vero Jana, ambo laudatæ inter ejus oppidi cives vitæ. Non quidem illis res valde domi lauta, cœu quos non intra plebejorum sortem fortuna evexisset, verum neq. angusta nimis extitit. Præterquam quod enim aliquam portionem agri possederunt, unde nonnulla vitæ subsidia perciperent, etiam honestas augendæ rei familiaris artes, vestes conficiendi pannumque vendendi, sectati sunt; eâ utrobique cordis integritate, hincque agentes, quam benedictio de cœlo & approbatio multaque laus à popularibus, quibus longè propeque aliquantum innotuerant, æquis comitaretur passibus.

Sed non est cur diutius circa hæc moremur : remota siquidem sunt quam ut inde firmè vere laudis præsidia sibi quæquâ posse petere arbitremur. Nascendi certè non minus felicitas quàm infelicitas res est, quæ non adeo sapientem à rudi, bonum à malo discriminet. Cui sententiæ illud quoque veteris Poetæ succinit

*Es genus & Probas & quæ non fecimus ipsi
Vix ea nostra puto.*

Igitur ad illa festinandum potius, quæ propiora propriaque magis Bidello fuerant, ex quibus & virtutes ejus æstimari, & solida ipsi laus promi queat conciliarique. Nimirum ut in herba, dum recens adhuc est, plerumque apparet qualis secutura sit metis, sic & in Bidello nimis adhuc puero haud vulgaria & sagacis ingenii, & probitatis animi, atque adeo rarissimæ, præsertim hoc ætate virtutum seculo, indolis fulserunt indicia. Tractandis etenim literis provida piæque parentum curâ mature admotus, tam felices brevissimo temporis spatio progressus in ipsis artibus Grammaticæ tyrocinis fecit, ut non domesticorum modo, & quorum in oculis quotidie versabatur, sed & à familiari parentum consuetudine longius remotorum, fortisque haud ignobilis Virorum animos, facto ex occasione majori quam adeo immatura ferret ætas, suæ vel diligentiae vel solertiæ documento, raperet in

admirationem. Quos inter omnes certè primum Domino Baroni *Barkely* magno & literarum amatori, & literatorum fautori, locum meritò damus, quem adeo rara hæc indoles Bidello conciliavit, ut rem non minùs dignissimam quàm æquissimam se facturum putaret, si, quantum in se esset, auxiliatricem ipsi dexteram porrigeret, ne tantæ spei puero tantoque ingenio debita cura culturaque deesset.

Quocirca etiam spectabili Domino *Barkely* placuit hoc Bidellum favore complecti, ut eum in libera Wottoniensi schola, ubi primum illi mansuetiores Musæ, easque veluti Patrias, salutare contigisset; pauperum studentium albo, quanquam decennis adhuc adeoque minor ætate esset, quàm per ejus scholæ leges illuc admitti deberet, bis quinque librarum beneficio in ipsum annuatim collato inserendum curaret. Neque Bidellus hanc sui promotionem, quâ velut aurâ lætiore ad magis sublimia provehi debebat, inaniter habuit; sed quò ipsum rara pro illa ætate rapiebat indoles auspiciis admodum felicibus, citius quàm reliqui, cum quibus in pulvere literario decurrebat (non tam ad vulgarem, præsertim postquam vires ingenii jam aliquantùm exercuisset, Magistri docentis normam oculos intendens, quàm suæ ipsius discendi methodo, facili quidem illi & suo magis accommodatæ

gen io,

genio, firmiter inhærens) evolavit potius
quàm eluctatus est. Quicquid enim vel pen-
discentibus imponere, vel difficultatis ob-
cere schola isthæc poterat, id quidem ipse non
sine magno multorum applausu & confectis
celeriter & domuit fortiter. Non hîc omit-
tendum, quòd & Virgilio Bucolica, & duas
Juvenalis Satyras priores, in elegantissimos
linguæ maternæ rythmos, dum adhuc scholæ
hujus esset civis, tanto cum judicio & gravi-
tate transtulit, ut dignissimum Eruditiopus
istud judicarent, quod in gratiam eorum, qui
Poeticæ delicias artis sectantur, in publicum
daretur. Quid quòd & Orationem latinam
proprio Marte elaboratam decorando funeri
Nobilis cujusdam pueri, condiscipuli sui, co-
ram frequentissima auditorum caterva tanta
cum gravitate juxta ac suavitate recitavit, ut
omnes omnino in summam sui raperet admi-
rationem. Quò etiam accedit, quòd toto illo
tempore, quo in hac schola versatus est, eam
in ipso, præfertim jam adultiore, multi gravita-
tem observârunt, cujus rarissimè flexilis mor-
talium capax est adolescentia, quam à recto
morum tramite haud difficulter in avia cor-
ruptelarum seculi vana blandimenta defle-
ctant. Neque defuerunt, qui singularem
quandam animi erga Deum pietatem, ma-
gnumque negotiorum præsentis ævi contem-
ptum, ad quæ capeSSenda vulgus mortalium

jam indè ab ipsa pueritia magno se molimine
 præparare solet, in Bidello animadverterunt.
 Nam & religio ipsi fuit tale quid unquam
 committendi, quò Numen offendi posse ar-
 bitraretur, & consilium curaque libris inhæ-
 rendi, quorum auxilio castis morum præce-
 ptis pectus imbueret, artibus autem ingenuis
 mentem expolire posset: istâ tamen hîc mo-
 deratione usus est, ut interim dilectæ Matris
 haud oblivisceretur. Patre siquidem è rebus
 humanis paulo maturiùs exempto, tantâ il-
 lam pietate observavit, tamque diligentem
 ejus gessit curam, ut ne hac quidem in parte
 qui quam illi deesset, quod alii, etiam ætate
 proVectiores, meritò possent imitari. Sed
 his etiam missis, quæ cum sequentibus colla-
 ta tennes dumtaxat umbræ meritò cenferi
 queant, ad illa jam progrediamur, quæ de
 Bidello Juvene Viroque memoranda sequun-
 tur. Postquam igitur septennium in patria
 Schola hunc in modum transegisset, promo-
 tus in celeberrimam Oxoniensium Acade-
 miam, interque Magdalenenfis Aulæ Clie-
 ntes adoptatus, tempore legitimo Magister,
 ut vocant, Artium magna cum laude factus
 est. Quin ita rem literariam hoc in Atheneo
 tractavit, ut non illi modò, cum quibus ar-
 ctior ei necessitudo intercesserat, ipsum sint
 venerari; sed & cæteri profundam ejus erudi-
 tionem magnopere suspexerint. Quicquid
 gloriæ,

gloriæ, quicquid famæ melioris Universitas
 isthæc vel in fortunata hac Insula, vel etiam
 apud exteros eâ tempestate habuit, illud cerè
 non minùs Bidello quàm cuivis alii etiam
 præstantissimo ejusdem Civi acceptum ferri
 debuit. Sic autem hîc philosophatus ipse est,
 ut animadverti facîle potuexit haudquaquam
 ipsum illorum de grege fuisse, qui vulgaribus
 scholarum placitis addicti, non tam ratione
 quàm auctoritate ducantur: quanquam in di-
 vinis non multùm à promiscua Theologo-
 turba tunc dissentiret, quemadmodum ex
 ipsius de choreis libello, quem in gratiam a-
 mici ejusdam conscripserat, quique non ita
 pridem etiam ad manus nostras pervenit,
 haud obscurè colligimus. Ad hæc autem ac-
 cedit, quòd non parvam laborum suorum
 partem, dum in hac Academia versatus est,
 etiam docendis Adolescentibus institutioni
 suæ commissis gnaviter impendit; quorum
 eximius in literis progressus, & famam ejus
 celebrem indies faciebat, & p. ssim multorum
 eximæ splendidæque sortis Virorum animos
 eidem magnopere conciliabat. Unde etiam
 factum, ut, dum fortè Schola Wottoniensis
 Rectore destitueretur, ista provincia calculis
 multorum ejus virtutes & eruditionem pro
 dignitate æstimantium, ipsi deferretur, quam
 tamen ille, mem'r Wottonum Oppidum es-
 se, ubi & editus in lucem, & euctus ad se-
 ptimum

ptimum supra decimum ætatis annum fuisset, veritusque ne propterea minore cum fructu, quàm alioqui Scholæ requireret dignitas, eam administrare posset, non minùs prudenter quàm modestè recusavit; sic tamen ut interim alium pro se juvenem haud equidem pigrum, istique moli ferendæ parem Wottoniensibus commendaret, successu haud irritò. Sed nec in Bidelli res ea præjudicium cessit, quin imò luculentam eidem ad meliora peperit occasionem. Mox etenim contigit ut & libera Crispi Scholæ in Urbe Glocestria novi Rectoris curam flagitaret. Eam igitur Bidellus, non tam Primariorum in Universitate, qui testimoniis ipsum amplissimis ornaverant, inductus commendatione, quàm importunâ Glocestriensium, ad quorum aures famæ ipsius celebritas jam dudum pervenerat, victus flagitatione, quadagesimo primo seculi præsentis anno suscepit, susceptam tanta cum dexteritate fideque administravit, ut non parùm se felices arbitrantur, quotquot suos ejus institutioni filios commisissent. Unde etiam non contemnenda pecuniæ vis in ipsius manus eâ tempestate defluebat: non quòd magni per se istius Scholæ essent reditus; sed quòd crebra ipsi amplaque ab eorum opulentioribus, de quorum liberis optimè meritus fuisset, mitterentur donaria. Non tamen aut nimia plus habendi cupido ipsum urebat,

aut

aut immoderatum ejus quod habebat retinendi studium angebat. Felix certè seculi contemptor, quem non Christiana minùs quàm cauta mentis moderatio saluum utrobique, illic quidem ne in Scyllam, hìc ne in Charybdin incideret, pulcherrimè servavit. Atque circa hoc tempus non mediocris in rebus usu commendabilibus, maximè autem in divinis, veritatem detegendi tuendique ardor pectus ejusdè cepit, qui proinde ne quà ratione in ipso quasi ortu sopiretur, & optato tandem frustraretur effectu, depositis præjudiciorum quæ prius temere admisisset impedimentis, frenatoque partium studio & affectu rationi subdito totum se judicandi de controversiis circa Religionem libertati dedit, omnia pro viribus exploraturus, & quod optimum videretur firmiter amplexurus. Quo etiam ipso factum est, ut scripturas summâ quâ posset diligentia scrutando, & pro Spiritûs Sancti illuminatione calidissimis ad Deum precibus immorando, receptam vulgò de Trinitate opinionem haud extra aleam justæ dubitationis positam esse deprehenderet, eamque proinde validis objectionibus non tam ex libris Socinianorum, quos nondum ipsi videre contigerat, quàm ex ipso Scripturarum Sacramentario, necnon sanæ rationis penu depromptis, quoties occasio ferret impugnare non cunctaretur. Quod cum nonnulli contrariæ,

&c.

& per tot jam ætates Christianorum fœcundiâ inveteratæ opinionis zelotæ, nequaquam ferre valerent, gravi ipsum accusatione apud Magistratum deferunt, coram quo etiam, velut in ius solemniter vocatus, de quere tanti, ut videbatur, momenti respondere iussus, a lacris compareret, formulam Confessionis de Deo chartæ mandatam secum afferens, quam hunc in modum concinnaverat.

Die 2 Maii 1644.

I. Credo unam essentiam infinitam & omnipotentem, quæ Deus vocatur.

II. Credo ut unam infinitam & omnipotentem essentiam, ita unam in eadem essentia personam.

III. Credo Servatorem nostrum Jesum Christum esse verè Deum, verè, reipsa & propriè unicū cum una persona essentia infinitæ & Omnipotentis.

Sed cū hæc Confessio Magistratui, ut videtur, non satisfaceret, aliam contexit sequentibus expressum verbis.

Die 16 Maii 1644.

Credo in obedientia Scripturæ, (quicquid demum illud sit, quod vel verbis antehac vel scripto defendi) quamvis una sit essentia divina, tria tamen in ea esse, quæ vulgò personæ vocantur, Christumque Servatorem nostrum verè Deum esse, quatenus unum cum secunda essentia divine personæ

sona factus est. Atque in hac fide, juvante Deo, perseverabo, donec majorem in contrarium ex verbo Dei consequar evidentiam.

Utrum autem Vir hic ob metum magis quam ex prudentia Confessiones adeo discrepantes, intra tantilli temporis gyrum, unam post alteram voluerit conficere, nemo nisi valde temerarius definiat, cum certum sit ipsum obscuras adhuc incertasque nimium eâ tempestate notiones illarum de materia animo concepisse: quo in casu quis quæso novit, qualem approbaverit libertatem, quâ veluti legitimâ sibi in tanta dubitationum perplexitate utendum salvâ conscientia judicaret? Verum quicquid ejus tandem sit, ita profectò Bidellus deinceps se gessit, ut ne ipsa quidem invidia quicquam in ipso adeo seu carpendum sive culpandum deprehendere posset. Nimirum brevi post tempore per jugem in sensus Scrip uræ inquisitionem auxilii que Numinis implorationem id ille consequutus est, ut vaneſcentibus paulatim erroribus, quibus antè non modò se implicitù suspicabatur, sed & quadantenus sentiebar, luceque veritatis divinæ mentem ejus magis ac magis illuminante, quid de Trinitate, maximè de Spiritu Sancto credi consentaneum divinis oraculis esset, se deprehendisse prorsus tandem persuasum haberet: id quod ipsi summum gaudium an plissimumque solatium peperit.

Unde

Unde etiam, ne tanta Dei gratia, favorque tam eximius in cassum sibi coelitus obtigisse meritò censeretur, si officii sui partes pro viribus implere negligeret, veluti fidelis Jesu Christi servus, consilio cum carne & sanguine conferendi seposito, abruptâque in posterum morâ, constituit eam rerum agendarum viam ingredi, quæ præclaro ipsius proposito maximè consentanea foret: nimirum ut alios quoque mortales ab erronea de tribus in Deitate personis opinione divinis auspiciis abduceret, inque ipsius hac in controversia veritatis possessionem introduceret. Et sanè haud facile quisquam existimare queat, non tam reverentiam honoremque Dei, propriamque adeò ac aliorum salutem, quam vel malitiosam vulgò receptis apud Christianos de Trinitate opinionibus contradicendi libidinem, vel famæ apud eos, qui nulla prorsus quæ justa sit urgente causâ, partes libentissimè aut faciunt aut sequuntur, captandæ studium fuisse, quòd Bidellum ad hanc rem constanter capessendam impelleret, si modò hîc illud duntaxat æquo ut par est animo consideret, ipsum, quamvis jam non tantùm passim honore floreret, rebusque uteretur apprimè secundis, sed & ad opimum matrimonium cum foemina quadam honestis natalibus orta magnisque conspicua virtutibus contrahendum luculentam haberet occasionem:

nem : quò tamen stadium, in quod pedes jam intulerat, faciliùs decurrere, & eximium ad quod toto ferebatur impetu facinus exequi feliciùs valeret, omnia ista blandientis seculi munera generosè contempnissè, si quæ a deò cunctorum odiis, difficultatibus innumeris, duris persecutionum malis, ac etiam violentiæ, si ita supremo rerum humanarum Arbitro collibitum fuisset, morti exposuissè. In persequendo autem hoc animi decreto prima ipsius cura fuit, quàm esset erronea vulgò recepta de Deitate Spiritûs Sancti doctrina, amicis sacrationi necessitudinis vinculo sibi junctis demonstrare. Mox quò ceteri quoque populares ejus simplicem hîc cernere possent veritatem, argumenta quædam, pauca quidem illa, si numerum spectes ceterum invictis armata viribus contra eandem Spiritûs Sancti suppositam Deitatem conscripsit inque publicum edere constitui, sed irritò tunc successu. Etenim perfidiâ cujusdam qui se in Bidelli amicitiam callidè insinuaverat, res statim hæc innotuit cumè Magistratui istius loci, tum etiam delegatis contra Regem Parlamentariis ibidem commorantibus : eâ siquidem tempestate bellum inter Regem & Parlamentum erat. Quapropter Bidellus, quamvis cum gravi conflictaretur febris, in publicum Comitatus carcerem secundo die Decembris anni millesimi sexcentissimi qua-

quadragesimi quinti conjectus est, detinendus ibidem donec comoda se offerret occasio ipsum Londini coram Parlamento sistendi, quò poena illic qualis ipsis videretur eisdem infligeretur. Cæterum Vir quidam eminens in Gloucestria, motus sive indignitate rei, quæ in ipsum illic imprimis loci patraretur, ubi ad eò esset propter sua merita celebris, seu potius miseræ conditionis ejus longique temporis consideratione, quo ipsum verisimile esset iri de sententia in carcere, libertatem ei procuravit, datis fidejussoribus, fore, ut Londini quocunque demum ipsis tempore videretur coram Parlamento appareret. Juxta quod etiam sex mensibus vixdum exactis citatus ab iisdem Londinum se recepit, seque paratum ad sui defensionem adesse Parlamento quàm humillimè significavit. Neque multum in cognoscenda ipsius causa primò cunctatum est. Mox etenim Delegatis quibusdam examinandus committitur, atque rem, cujus accusaretur nomine, scilicet quò vulgò creditam Spiritûs Sancti Deitatem negaret, ingenuè coram ipsis agnoscit: sed quò appareret evidentius quàm ab omni obstinatione procul abesset, ultro ad disputandum hac de Controversia cum Theologorum quovis, quem illi judicarent idoneum, se offert, ut si fortassis error quod tueretur esset, ejus ab ipso convinci hac ratione posset. Verùm nihil

nihil inde præter tædiosas procrastinandi moras obinuit, donec tandem longâ non minùs quàm sumptuosâ fessus expectatione literas ad quendam Equitem Auratum, qui Parlamento membrum èque Delegatis unus erat, exaravit, efflictim ipsum rogans ut aut in demeritatem sibi procurare, aut saltem Parlamento notum facere vellet, suppositam duntaxat Spiritûs Sancti Deitatem à se negari. Et quòd id Eques iste præstare posset accuratius, cum opinionem suam de eodem Spiritu Sancto, tum rationes ac fundamenta, quibus ea niteretur, iisdem in literis, plenè ac planè exposuit. Sed nihil exinde secutum aliud quàm arctior ad tempus custodia calamitasque durior. Erat liquidem tunc temporis Theologorum plùs minùs quadringentorum, sed qui omnes disciplinæ Scoticæ seu potius Genevensis essent Zelotæ, Synodicus Westmonasterii Confessus, è quibus nonnullis eruditione præstantibus mandatum est ut desideratæ convictionis ergò disputandi cum ipso munus exequerentur. At illi postquam ventum ad rem esset, tantum abest ut suo satisfecerint officio, ut potius Catecheticum sub examen ipsum trahere voluerint, adeò ut ægre quenkum eorum ad ferium strictumque potuerit discursum inducere, quanquam sæpius coram ipsis comparuisset. Quin adeò cum eis egit ingenuè ut sua adversus Spiritûs

Sancti Deitatem argumenta chartæ mandata
 ipsis tradiderit, quò solidum ad illa respon-
 sum ab eis extorquere posset. Ast dum illi
 quidem cum hac tum aliis cum ipso agendi
 rationibus parùm se proficere posse arbitrati
 animum de ipso ad partes suas pertrahendo
 desponderent, nihil impofterum sibi agendum
 existimârunt, quàm ut potestate seculari po-
 tius quàm armis spiritualibus contra ipsum
 uterentur. Proinde id totis postea viribus
 egerunt, quò Parliamentum, utpote penès
 quod rerum eâ tempestate summam esse,
 quodque sibi præ cæteris favere crederent, ad
 condendum ejusmodi scitum inducerent, quò
 ipsius de Spiritu Sancto opinio crimen effice-
 retur mortis piandum supplicio, quòque
 pœnis in omnes qui diversum à Scotica seu
 Doctrina sive disciplina sentirent, eâdem ope-
 rà constitutis pariter sanciretur, id quod etiam
 facîle obtinuerunt, Lege Draconis sanguine
 contra Hæreticos & Blasphemos ab eodem
 Parlamento ipsorum in gratiam scriptâ, dic-
 que secundo Maii anni millesimi sexcentessimi
 quadragesimi octavi solemniter promulgatâ.
 At longè secus in æquissimo cœli foro con-
 sistit ut eas, providente Deo, qui summus
 rerum humanarum Arbiter est ac Præses, ut
 Lex adeò inhumana crudelem Zelotarum
 istorum frustraretur expectationem. Exerci-
 tatus enim, qui tunc pro Parlamento Regias
 contra

contra partes eo consilio militabat, ut sua Religioni libertas per eos vindicata laborum non minus quam periculorum ipsis posterisque desideratissima tandem obtingeret merces, sanguinariam hanc legem, quod æquissimæ rei, libertati inquam conscientiarum, aded esset inimica ferre minimè potuit. Proinde volens tantum in ipso statim exortu malum suppressere, ne contemptum innumeros etiam de ipso exercitu diversæ quidem circa divina sententiæ cæterum probastæ pietatis mortales mox in certissimam & cum foedissima Christianæ mansuetudinis humanitatisque violatione conjunctam raperet perniciem, vim contra Dominos sine mora vertit, Parliamentum obsedit, eoque à violentis quibusque nec non sanguinariis purgato, Synodicum quoque Theologorum Conventum eadem operâ dissolvit, utpote quo cum ea libertas quæ tam avidè captabatur quærebaturque consistere neutiquam posse videretur. Atque hunc in modum gravi periculo, quod non Bidello tantum sed & omnibus aliis, qui diversum in Religione à Presbyterianis sentirent, crudelissimi studebant Censores, provida militum manus rem Deo cœlitus moderante remedium attulit. Non tamen Bidellus plenam tunc consecutus est libertatem donec seprem elaberentur anni. Quod tamen impedire ipsum haudquaquam potuit, quominus

quantum in se esset Christianæ veritatis causam promoveret. Quare duodecim contra Spiritus Sancti Deitatem argumenta, jam antè elaborata preloque destinata, sed, ut diximus, impedita tunc demum in lucem edidit, quibus anno proxime sequenti suam de Sacrosancta Trinitate Confessionem unà cum illustribus quorundam Patrum, qui vicinioribus Christo seculis vixerunt, testimoniis pro se facientibus eisdem Typothetarum opera comitem dedit. Durante autem septennali hac ipsius restrictione, nemo è Synodici Confessūs membris, nemo etiam de reliqua mortalium istius professionis turba inventus est, qui vel semel eum invisens dignaretur, præter unicum Doctorem Gunningium, id quod utique hæc satis scio, metui, ne erroris ab ipso convicti recederent, an charitatis in afflictum defectui, an etiam urique isit adscribendum. Nec vero his duntaxat hominibus sed horum artificio cæteris etiam sæpe omnitus invisus ipse existit, ut admodum ei fuerit difficile cum ullo mortalium conversandi opportunitatem nancisci. Quod si quis etiam ingenuus atque veritatis amator, fortè aut studio in ejus incidit consortium, quod nonnunquam factum, magnæ felicitatis loco ducebat, si vel hoc demum ab eo posset impetrare, quo sua sententia si non penitus assentiretur, saltem quadatenus faveret. Atque ita tandem

dem per gradus nonnullos, non Londinenses
 modo, sed & alios aliorum locorum homines,
 sibi conciliavit, quos inter erat Comitatus
 quoque Staffordiensis Irenarcha, quo cum,
 data Officiario, cujus custodia demandatus
 esset, securitate fore, ut monitus ad eundem
 omni procul habitâ frau se réverteretur, in
 memoratum se contulit Comitatum, ubi non
 solum à Sacris illi domesticis aliquamdiu fuit,
 sed & in quadam æde Parochiali mox ad pu-
 blicè concionandum eodem procurante ad-
 missus est. At non multò post hoc etiam in-
 notuit judici Bradshawo tunc Concilii status
 Præsidi, capitalique ipsius inimico, qui pro-
 inde ipsum iteratò Londinum misit archidus
 quàm antè habendum. Moxque Irenarcha
 quem diximus moritur, eique non contem-
 nendam pecuniæ summam testamento le-
 gat, sed quam, ut & omnem antè substan-
 tiam inter voracissimi carceris incommoda
 celeriter consumit, ut nihil jam restet, quàm
 ut cum gravi indigentia nec non difficilis
 vitæ angustiis de novo luctandum ei sit.
 Nempe ira Deo placuit etiam isto calamitatis
 genere ipsius hoc quoque tempore, ut
 sæpe alias, exercere patientiam, ne quid om-
 nino deesset, quò illa redderetur illustrior
 atque suis numeris absolutior, sic tamen ut
 illis etiam benignis suæ providentiæ muneri-
 bus eam temperaret mitigaretque, quatenus

nimirum sortis asperitatem opportuno remedio aliquantum emolliendi viam ipsi commodam monstravit, postquam apud eruditum quendam Virum Londini degentem gratiam haud vulgatam inivisset. Erant siquidem nonnulli quibus in animo esset græciam Veteris Instrumenti Versionem à Septuaginta Senioribus elaboratam operâ Danielis Rogeri Typographi Londinensis quàm accuratissimè in publicum edere, sed quibus Corrector linguæ istius eximiè peritus atque diligentia haud suspectæ deesset. Is proinde Bidellum, existimans ipsum medicando huic defectui præ ceteris quos nosset aptum, illis seridè commendat operique præficiendum persuadet. Quæ res ipsi certè, præter eximiam, quam à Viris doctis reportavit, laudem, ingens quoque peperit solatium, consideranti quòd indè sibi vitæ mortalis tolerandæ subsidia ministrarentur unde monstrantia certissimum ad æternum iter monita depromere jam dudum summa cum animi voluptate consuevisset. Neque citius finem operi tempus attulit, quàm ipsi quoque plenam post tam diuturnos carceris squalores libertatem cœli restituit favor, virtute nimirum Decreti generalem amnistiam continenti, quod Parliamentum die vicesimo quarto Februarii anni seculi præsentis quinquagesimi primi ad animos populi post plurimas graveque Civilis

villis discordiæ tempestates ac pericula componendos opportunè promulgaverat. Atque ita suæ iterum potestatis factus, sedem commorationis suæ Londini figendam putavit, non modò quòd sibi non satis esset integrum opus memoratum, cui admotus esset, aliaque ejus generis deferere, sed etiam quòd è re id existimaret cum sua tum Amicorum, quos ea in urbe sibi jam comparâssent, maxime verò quòd locus iste omnium videretur esse aptissimus ad animi decretum, quod ante omnia sibi de promovenda veritatis Evangelicæ doctrina constituisset, non minùs constanter quàm utiliter exequendum. Quare etiam, ut reliqua nunc taceam Viri minime oscitantis molimina quæ non parùm hanc in rem contulisse palam est, matutinas cujusque diei Dominicæ horas explicandis novi Testamenti libris in amicorum gratiam impendebat, pomeridianas verò consumebat in examinandis earum, quæ tanquam Orthodoxæ vulgò apud Christianos obtinent, opinionum fundamentis, atque iis quàm essent ruinosa, magno cum judicio demonstrandis, id quod ille non aliter facere consueverat quàm ut cum ipsemet omnia quorum recordari posset argumenta, quibus istarum opinionum Patroni non minùs ad sibi satisfaciendum quàm ad alios quoque eisdem sese opposcentes convincendum uterentur, fideliter proponeret,

tum etiam ceteris liberam concederet potestatem tam ea quæ jam attulisset contra ipsum urgendi, quam nova quæ fortassis omisisset in medium producendi, idque non minus ex scriptura sacra quam ex ipso rectæ rationis thesaurario. Quæ omnia adeo facilliter atque solide suis enervavit responsis, ut vel in suam Adversantes pedibus ire cogeret sententiam, vel eò certè ipsos deduxerit ut nihil quod regerent amplius habere palam deprehenderentur. Quid quòd, ut veritatem Christianam tantò promoveret efficacius, etiam genuinam anno 1654. vulgavit Catechesin illo concinnatam artificio, ut ex ipsis scripturæ verbis dilucidæ responsiones veræ religionis principia summatim comprehendentes singulis per totum ejusdem corpus quæstionibus accommodatæ essent, ne ullus adversariorum cavillis relictus meritiò cenferi posset locus. Nec verò hi ipsius conatus eximio caruerunt fructu plurimis brevi temporis spatio mortalibus ei quam urgeret defenderetque doctrinæ suam accommodantibus assensum, id quod ministros Londinenses haud mediocriter commovit. Qui proinde hoc sibi ante omnia agendum incumbere censuerunt quò junctis strenuè viribus eas in animis auditorum suorum opiniones, quas Bidellus tam acriter tamque strenuè iret impugnatum, magis ac magis firmarent. Unde etiam

etiam factum ut ipsi suggestus in Templis dura mox Anathemata acerbisque contra ipsum exclamationes terribilem in modum passim effulminarent. Quid quod & in ipsos Bidelli Sectatores tantum idem concaperunt odium, tantum quod suas interdum objectiones eis, & quidem privatim, solvendas proponerent, ut non auditores modò suos impulerint ad vitandum omnem conversandi cum illis deq; Religione conferendi occasionem, sed & ipsi met quodam veluti zelo mutuæ securitatis accenti, suis in conventibus quos vocant Classicis maturè caverint, ne quisquam Ministrorum Ecclesiæ cum illorum quopiam discursum institueret nisi alter ad ferendum si opus foret auxilium præsens adesset Presbyter. Cæterum illud ipsos quàm maximè urebat, quod statuto nuper Authoritate publica promulgato de mutua differentium inter se circa Religionem Tolerantiâ impedirentur quo minus dirum suæ crudelitatis ac violentiæ in virum hunc omni ex parte innoxium virus ac flammam evomere possent, ut quod unicum videretur remedium quod obturando ipsius ori foret idoneum. Non multo post congregiendum ei fuit cum magis nobili adversariorum genere, quos inter principem locum obtinuit memoratus antè Doctor Gunningius, nunc Regius Cantabrigiæ

terbrigæ Professor, Vir non minus eruditione quam disputandi subtilitate celebris, tantoq; defendendæ vulgaris Doctrinæ zelo correptus, ut & neutiquam sibi posset temperare, quin eandem à Bidelli exceptionibus suo vindicare patrocinio publicè aggredetur. Quocirca die quodam Dominico in ipsius conventum longo suorum comitatus agmine venit, ubi multis eum argumentis ad evincendam spiritûs Sancti Dietatem Supremam undiq; corralis adoritur ac fortiter impugnat, donec tandem opponendi labore penitus fatigaretur diesq; in tam acri conflictu planè consumeretur. Non tamen Gunningius cœptum opus deserit, sed mox sequenti die Dominico rursus in conventu certamen vedintegrat, ipsumq; Filium Dei non minùs quàm Sanctum nuper Spiritum summum esse Deum evincere laborat. Sed quid tandem? Certè ut sua Doctorem post exantlatum tanti moliminis laborem expectatio fefellit, ita Bidelli causa plausibilior multo nec non veritati consona magis quàm parvis adversæ apparuit, ut taceam singularem ejus eruditionem, judicii soliditatem, sensusq; in Scripturis exercitissimos hoc experimento cunctis non sine magna nomini celebritate pariter innotuisse. Quo accedit quod aliquanto post tempore, dum Bidellus in Doctrina de satisfactione Christi

Christi deq; ejus in terris Sacerdotio examinanda occuparetur, denuò Doctor ipsum adoriri voluerit, existimans hoc tertio conflictu suam, apud suos præsertim, famam prioribus non nihil obscuratam disputationibus pristino splendori feliciter restitui posse, quod speraret ipsum languidius hîc quàm alibi pugnaturum. At Bidellus tantâ rursus dexteritate suas egit partes, ut non minor ejus in hac exercitatio quam in ulla alia circa Religionem controversia fuerit deprehensa, ipseq; adco Doctor sit tandem cum singulari quadam admiratione fassus adversarium suum eruditionis amplissimæ valido undiquq; munitum esse prælidio. Atq; hoc genere certaminum sese Bidellus exercuit usq; ad initium Decembris Anni 1654, qui Cromwellianæ Dominationis secundus erat, quo tempore longè iniquius ipsum quàm unquam ante seculi violenta cœpit divexare crudelitas. Parliamentum etenim quod tunc primum coëgerat Protector Cromwellius inimicis Bidelli juratis ingenio perquàm simile provocari non difficulter ab eis adversus ipsum potuit; cujus proinde mandatu mox apprehenditur, sistitur apud tribunal interrogatur num se Authorem geminæ Catechesis Scripturalis agnosceret? At ille volens occasionem eis plura quærendi, quibus forte irritari posset, præripere,

ripere; pro responso hoc iis proponit, num rationi consentaneum existimarent, ut quis se accuset, qui licet rei tractetur instar, nullus tamen sit obstrictus crimine? Quo illi audito omnem ulterius inquirendi laborem seponunt, ipsumque tertio Mensis paulò ante memorati die Westmonasterii publicum in Carcerem *Gate-house* nuncupatum conjiciunt, ibidem absq; omni Atramento, Charra, Calamq; Scriptorio, quin & amicis ipsum invisere prohibitis, in arctissima custodia detinendum, donec poena eidem infligenda consentientibus omnium calculis decerneretur; ipsam autem catechesin unà cum duodecim argumentis supremam Spiritus Sancti Deitatem impugnantibus & Fidei de sacro sancta Trinitate Confessione Westmonasterii ad Palatium & Londini ad vetus Excambium per manum Carnificis igni comburendam tradunt, & quamvis communi mortali-um opinione nihil mitius hoc tempore quàm ignominiosa Bidello mors impenderet, non modo quòd cum ejus libris taliter esset actum, sed etiam idq; vel maximè quòd eo cuncta viderentur inclinare dum causa ipsius coram Delegatis Parliamenti discerneretur, ipse tamen interim magno lætoq; animo fuit sperans se numinis providentiâ crudelibus eorum manibus ereptum iri. Neq; spes hæc ipsum frustrata est Protectore Parli-amentum

amentum citius quam destinata executioni mandare possent dissolvente id quod tamen ille non tam intuitu Bidelli quam proprii emolumenti causâ fecisse videatur, subodorus noxia quæ contra se quoque furoris æstro perciti homines eodem tempore in Parlamento foverent agitarentque consilia. Neque homini politicis artibus imbuta ratio quâ factum excusaret plausibilis defuit: Ita dum suæ callidus securitati consulit, arbitrarie Parliamenti Potestati ne dicam Tyrannidi fato Bidellum felici subducit. Et quamvis vel ex ipsis carceris claustris palam ipsum eiure debuerat, ut qui dum Reipublicæ capesseret clavum, non temerando jurisjurandi sacramento sese ad tuendam sectæ cuiuslibet, si modo papisticam excipias, hominum, quotquot in Deum per Jesum Christum crederent, in Religionis exercitio libertatem obstrinxisset, tantâ tamen hic diligentia cavuit, ne, quos sibi certò sciret insensos, veluti crabrones suum in caput irritaret, ut necesse Bidello fuerit in ipso superiori Banco causam pro suo quod vocant *Habeas corpus* orare, cuius virtute factum est, ut coram iudicibus ejus fori sisteretur, nullosque in *Mittimus* (Juris Anglicani terminus is est) expresso crimine cuius ipsum nomine *Lex* restringendum juberet, suæ ab iis libertati 28 Maii, 1655. tandem restitueretur. Atque ita haud

vel malorum quibus afflictus fuisset acerbi-
 tate percussus, vel gravibus adversa-
 riorum minis perterritus, consuetum rursus
 veritatem pietatemque propagandi iter in-
 greditur, tanto quidem jam alacrius quanto
 Patientia Virritutem sordidâ didicisset esse
 præstantiorem Ignaviâ. Cæterum vix ante
 annus exierat, quàm invidia facibus infer-
 ni succensa nocendiq; libido insatiabilis Ad-
 versariorum, quâ Ministrorum, quâ Bibli-
 opolarum Londinensium, novam ipsi perni-
 ciem machinari cœptaret. Occasio consilii
 ab omni humanitate plurimum abhorrentis
 Anabaptistæ nonnulli fuere, cujusdam Grif-
 fini proletarii quidem sed ad modum turbu-
 lenti concionatoris auditores, quos Bidel-
 lus multiplici errore animis ipsorum excusso
 suas in partes cum plurimis aliis pertraxe-
 rat. Ille enim Griffinus, simul acithææ res
 ipsi innotuit, & Magistrali quodam sup-
 cilio contemnens quicquid pro contrariarum
 opinionum defensione non ab iis modo qui
 primoribus duntaxat ut ajunt labris eas de-
 gustassent, verum ab exercitatis etiam qui-
 busvis adduci posset, & Fiduciâ quâdam in-
 consulâ sibi persuadens fore ut cum quos
 è Discipulis contraria persuasio avertisset
 tempestivum remedium corrigeret, tum
 quos nondum dilabi contigerat audax ipsi-
 us cœptum ad perseverantiam firmaret, dis-
 sentientes

sentientes ad certamen publicè provocat, ipsumq; inter cætos Bidellum quo cum manus conferat sibi deposcit Antagonistam. Hanc provocationem quamvis Bidellus ad tempus declinare voluerit existimans haud adeò vel sibi vel veritati magno id honori fore si victoriæ palmam Adversario præcipere, quem in eruditione multis post se parafangis omnium iudicio relinqueret; nihilo minus ab amicis tandem persuasus accipit conditionem, seq; tempore constituto hominis repressurus insolentiam in sacello quodam, ubi statis diebus divini cultus causâ auditores Griffini convenire soliti essent, paratum ad pugnam sistit. Griffinus introductionem pro more ad disputationem facit, sed quam facile quivis suspicari potuerit ab homine haudquaquam ingenuo ne dicam pessimè Biddello cupiente profectam fuisse. Quamvis enim non nesciret malitiosos ipsius adversarios unâ præsentibus adesse qui nihil aliud animo volutarent, quam ut ei perniciem verbis ipsius interpretatione pravâ detortis accelerarent, assignata tamen quam eo tempore probandam suscepisset propositione, rogat num quis illic foret qui eam negaret, etiamsi de præsentia Bidelli ejusq; proposito satis esset certus. Sed hac agendi ratione tantum abest ut terrorem Bidello incusserit, ut potius occasionem ei dederit

dederit ad cunctis ostendendum quàm non facile vanis mortalium terreculentis ab arce causæ suæ desurbari se pateretur. Proinde generosi militis instar, nihil pensi habens quicquid captâ inde occasione adversarii pessimo artificio essent in ipsum molituri, ut etiam certè non nihil postmodum sunt moliti, dum magnarum ei calamitatum causa extitere, eam admodum liberè veram esse negat, Griffinoq; si possit probandam injungit. Cæterum quam gravis hominem statim ab initio exceperit confusio quàmq; ægre pleriq; ipsius amici tulerint, quod Bidellus causam, cui defendendæ tantus ut credebatur obtrigisset Adv. carus adeò facile labefactaret, ut alia nunc mittam, ipse liquidò satis monstrare possit eventus. Finito siquidem isto ad præsens conflictu dieq; ant. novis iterum auspiciis congregiendum nonnullis qui paulò moderatiores essent instantibus delecto, quòd sua Bidellus contra supremam Christi Deitatem argumenta mutatis jam proponeret, urgetq; vicibus, antequam is affulgeret dies, importunâ furatorum quorundam hominum Griffinianis partibus æquo plus studentium invidiâ metusq; mandatum a Protectore extorquet, cujus Virtute Bidellus 3. Julii 1655. in carcerem Londini compingitur, moxq; in publica Civitatis Curia, ubi criminales causæ
statim

profetò

profecto ipsum condemnare poterant quin
 eum eo ipso committerent nullo excusan-
 dum praetextu, ut qui non ab illis modo sed &
 a reliquis omnibus qui non vagis verbis ejus
 haussent orationem ipsa Dominationis sub
 qua tunc agerent fundamenta palam con-
 vellere apprehenderentur. Ceterum post-
 qua diu hac de difficultate fuisset a iudicibus
 deliberatum, neque tamen quicquam hanc aux-
 illam in partem tuto posset ulla ratione sta-
 tuti, placuit tandem ulteriorem causae cogni-
 tionem in proxime sequentem confectum
 differre. Interea Londini non paucae con-
 gregationes privatae, Anabaptistarum im-
 primis, perpetitiones Bidelli suas quodam-
 modo rata, maxime quod ejusmodi consti-
 tutione Parliamenti intererent, quae cum
 libertate Conscientiae, quam Protector in
 Gubernationis, ut vocant, instrumento pro-
 misisset, nudo pugnetur vertice, unanimi
 consilio supplicem Protectori libellum ex-
 hibent quae primum in eo ob injurias Bi-
 dello, viro certe perquam digno qui liber-
 tate memorata frueretur, illatus, deinde
 etiam quam humillime ipsum rogantes, quo
 non modo debita eidem Bidello conditio
 his laxitas concedatur, sed & toties memo-
 rata Parliamenti constitutio nullius esse rob-
 oris declaratur, utpote cui, si viribus adhuc
 armata credatur perinde omnes alii, quor-
 quot

quos a Presbyterianorum abhorreant placitis, ac ipse Bidellus futuri sint obnoxii. At Protector mox animadvertens fore ut si isti quidem petitioni subscribat actum planè sit de amicitia Presbyterianorum, quos imprimis etiam sibi reddere quærebat obnoxios, si verò palam repugnet, animos supplicantium, quos supra ceteros bene sibi cupere deprehendisset, in iustum sui fecerat odium. callidâ quâdam solertia hic utendum existimat, & dum rimas quærit, quidam e supplicantibus ipsi nimium obnoxii, falsâ socios labe fidei non satis probatæ respexit, id quod ille velut opportunum medendæ dissimulati remedium avidus arripit, ipsosq; libelli supplicis exhibitores re penitus infectâ dimittit. Præter hanc petitionem ipse quoq; Bidellus, dum adhuc intra carceris claustra detineretur literas ad Protectorem exarat, orans eum efficiam quò sibi dare facultatem dignetur suam ei causam pro ut revera se habeat coram explicandi, quòd videret eam non rectè ab adversariis fuisse representatam. Sed nihil omnino proficit. Quamvis enim Protector id se facturum initio nonnullis Bidelli amicis promittat, postea tamen victus à quibusdam ut eredi par est Ministris, quorum in istiusmodi casibus ipsi suetam erat consiliis obsequi, conscius etiam quantum Bidellus ser-

mone rationum librato momenti valeret, tantum abest ut cum coram differentem audire sustineat, ut potius à se longius quam ante removendum decernat. Neque diu profecto cunctatum hic fuit. Mox etenim Protector hebdomadis tribus aut quatuor vixdum exactis (5 Oct. 1655.) ipsum in Insulam Syllæ transportandum ibiq; in Castello Mariæ sub arcta detinendum custodia jubet. Cæterum occursurus odio, quod hinc facile plurimi quibus alia quam Presbyterianis mens foret, in ipsum ac præsentem rem publicam administrandi rationem concipere poterant, callido utitur commento, dum nonnullis inculcat bono hoc se Bidelli fecisse, nimirum ut eum poenâ capitali, quam legis intentaret rigor, exemptum hac ratione servaret, quod tamen non obstitit quò minus etiam liquido satis apparet non tam Bidelli hic ipsum studuisse commodis quam ejus Adversariorum odio litavisse. Hoc tamen injuriam quadantenus mitigasse videatur, quod viginti monetæ libros Anglicanæ ipsi postea de proprio numerandos ærario curaverit, ne videlicet sumptu ad necessaria longe semotus ab amicis destitueretur.

Quamvis autem exilium isthoc sua secum incommoda traxit, quatenus veritatis domi propagandæ nec non pietatis amico-

rum animis altius inferenda opportunitatem ad tempus Bidello præclufit, non tamen exigui dulcedine fuit temperatum solatii. Hic etenim ipfe dum jugem cum Deo communionem cumque sanctiffimis ejusdem oraculis confuetudinem haberet, facile remedium mittigandæ calamitatis acerbitati perquam fuave reperit, ut redux tandem factus fingulari cum exaltatione fuis dictitare haudquaquam dubitaret, fe Deo confilium atrox Adverfariorum mirâ dirigente Providentiâ hoc fuiſſe deductum loci, quò hîc talia ſuperni favoris in ſe munera conferrentur, quorum non alibi fortaffis tam extitiſſet capax. Nam ut aliqua recenſeam, non modò hîc ille multorum, quæ in reliquis instrumenti veteris novique libris occurrunt locorum magnis intricatoeum difficultatibus ſenſum genium eſt aſſequutus, ſed & plenam veramque, ut nonnulli credunt, Apocalypſeôs, quàm Joannes Theologus, per excellentiam ſic dictus, dum in Inſula Patmos exul propter veritatem ageret à Chriſto per Angeli Miniſterium acceperat, ejusdem favore nactus eſt intelligentiam. Quid quòd & plus quàm ordinariæ ſuæ de Trinitate Opinioni, quæ tot ei cauſa perpeſſionum fuiſſet, confirmationem hîc ſe conſequutum non ſemel amicis affirmavit. Et ut cætera nunc mittam divini favoris

munera hic in ipsum ubertim collata, quorum nonnulla quæ qualisquæ essent ipse veldum posset noluit, vel dum vellet nequaquam ediscere potuit; hoc tamen exilium vel isto nomine salutare compingit ipsi fuit quod alteri quibque Protectoris Parlamento ne quid durius in ipsum, quippe absentem, decerneret, quod cum ejus foret pernicio conjunctum, obicem posuerit. Ceterum dum ipse in exilio valiter ageret, non sollicita contentus amicorum industria, qui omnem domi lapidem ad procurandam ei libertatem moverent, ipse quoque literas cum ad Protectorem tum etiam ad D. Calamium, Londini tunc temporis Ministrum ut tamâ celebrem sic multum inter Presbyterianos Authoritate pollentem persuasivis referas argumentis exaravit quæ tamen nihil ad ipsos pessimo seculi vitio flectendum valuerunt, donec post tres propemodum annos, quos in exilio consumpsisset, amici Londinenses auxilium in lege ipsi quodantenus favente tandem subodorati rem apud Protectorem novis urgendam argumentis egressi sunt. Neque labor iste suo caruit fructu. Mox etenim Protectorem eò facile inducunt, ne eorum amplius obicem conatibus ponat, quin etiam animos interdum hærentibus addat, quod majori cum fiducia quod agendum suscepissent urgendo promoveant. Unde
 mox

mox Bldellus virtutis mandatis quod *Habeo*
corpus Themidis Anglicanae familia vocat,
 ab exilio pedectus Westmonasterii coram
 superiori Banco sistitur, cumque nullum ibi
 crimen, quod lex carcere dignum pronunciet,
 aut quisquam ei valeret impingere, faustis
 à Joanne Glynn capitali tunc temporis
 Angliae justiciario, duc libertati restituitur a-
 yibus. Mirari autem hic ipsius admiro-
 situdinem atque Constantiam haud immeri-
 to queas. Tot siquidem tamque vanà per-
 sequutionis acerba mala, quae domi forisque
 per tot annos fuisset expertus, non ipsum
 adeò seu frangere sive percellere potuerunt,
 ut libertatem impofterum, quamvis rem ali-
 cui longè dulcissimam, fidei Christo debite
 preponendam existimaret. Quamobrem et-
 iam mox ad consuetum redit opus seculi
 interruptum iniquitate, mortalibusque puris-
 sima Christianae Religionis dogmata una
 cum sublimioribus ejusdem arcanis, illis im-
 primis, quorum ipsam in exilio cognitione
 favor ornasset coeli, viribus instillare totis
 & inculcare rursus aggreditur, cumque varias
 de Apocalypica Bestia, deque Antichristo
 nec non personali in terris Christi regimine
 cerneret opiniones non minus Evangelicæ pi-
 etati contrarias quàm praesenti Reipublicae
 tranquillitati noxias à fanaticis quibusdam
 foveri, certam singulis diebus Dominicis

pomeridiani temporis partem publicæ in
 conventu disputationi consecrat, quò cun-
 ctis tantò pateretur evidentiùs quàm nullæ
 fundamentis Scripturæ forent inædificatæ,
 quàmque ab omni prorsus ratione abhorre-
 rent. Quid autem ipse de iisdem senserit,
 ex notis eruditissimis, quas in aliquot Apo-
 calypseôs capita postmodum vulgavit facile
 lector industrius addiscere possit. Verùm
 non diu Bidellus hac in palestra sudare po-
 tuit. Mox etenim Protector, utpote men-
 sem circiter quintum post ipse ab exilio re-
 gressum, de vitæ curriculo decedit, Filiumq;
 natu majorem Richardum Cromwell ad
 habenas Reipublicæ moderandum sibi suc-
 cessorem fortuna suffragante relinquit. Is
 Parliamentum cogit si cuiquam alii certè Bi-
 dello vel maxime periculosum, præsertim
 quod in ipsum non obstantibus magni mo-
 menti negotiis inquirere de industria palam
 deprehenderetur. Unde etiam factum ut ip-
 se persuasus à viro quodam nobili cujus eà
 tempestate autoritas non vulgaris esset vi-
 tæ periculi causâ rus se conferet, indeque
 non priùs quàm Parliamentum dimitteretur,
 ad amicos in urbem rediret. Verùm pro-
 sectò nullius unquam tantopere quàm hujus
 ipsum facti poenituit, quòd non aliquandiu
 tam luculenta favoris erga se Dei, quoties ad
 ipsum recurreret, quàm antea sapissime do-
 cumenta

cumenta experiretur. Ac ne circa hoc diutius
 quam par sit occupemur, dissoluto Richardi
 Parlamento Respublica varios experta Recto-
 res mox ad ipsum Regem mirâ vicissitudine
 redit. Hinc non civilis modò gentem guber-
 nandi ratio, sed & publica Ecclesiæ disciplina,
 pristino, qualis antè Protectoris Olivarii ex-
 stitisset dominationem, statui restituitur. Hinc
 etiam quotquot diversarum in Religione par-
 tium essent, eam supremæ authoritatis indul-
 gentiam, quâ paulò antè fruebantur, amittunt,
 conventusque ipsorum divini cultûs gratiâ
 passim habere soliti tumultuariæ redduntur
 obnoxii violentiæ. Quocirca Bidellus quoque
 suetum mox publicè seu docendi sive dispu-
 tandi seponit institutum, non tamen interim
 omittens quicquid inter tot difficultates sup-
 peteret opportunitatis, amicorum id utilitati
 privatim impendere, quamvis eventu tandem
 haud parùm tristi. Ipso siquidem 1 Julii 1662
 è Civis cujusdam ædibus, ubi cum amicis di-
 vini cultûs gratiâ convenerat, unâ cum iisdem
 ad Richardum Brownum unum de Magistrat-
 ibus Londinensibus periniquè raptatur, mox-
 que ejus mandatu publicum in carcerem con-
 jicitur. Et ipsius quidem Browni crudelitas
 inhumana magis quàm unquam antea statim
 hic se prædedit. Quamvis enim nulla obstaret
 lex quominus istius generis transgressores ad
 proximum usque Magistratûs ac Judicum con-
 sessum

fessum. Vadimonii possent uti beneficio,
 non tamen idoneam ille pro ipsis satisfac-
 tionem admittere voluit, nisi illâ demum
 conditione, si fidem præterea darent se
 non amplius ritu suo conventuros. Quod
 sanè cum illi salvâ conscientia facere
 non possent, in squalore carceris hæere sunt
 coacti, donec Prætor Londinensis majori
 quam Browus legum reverentiâ ductus
 ipsos dimitteret, postquam datis fidejussi-
 bus cavissent fore ut in proximo comparituri
 sint confessori, id quod etiam fecerunt. At
 dum eorum causâ disceptaretur, nullum ad-
 duci potuit statutum, cujus violati crimen his
 objici posset. Quæcunque enim tunc tem-
 poris adversus conventicula, quemadmodum
 illis vocantur, extabant statuta, suis singula
 defectibus isto in casu laborare deprehende-
 bantur. Quare tunc aliud conclusum fuit
 nihil quàm ut alterum in Confessum causa
 propius cognoscenda differretur: ubi quàm
 iniquè postea sit cum eis actum hinc facile
 cernas, quòd ipsi Bidello quidem centum, id-
 que non tam ullius auctoritate statuti, quàm
 communis ut eam iudicibus, appellare placuit
 obtentu legis, quæ tamen non nisi mera ipso-
 rum voluntas ac placitum esset, reliquorum
 autem singulis vicenarum summa Marcarum
 in poenam sit imposita, sic tamen ut in car-
 cere donec eam numerarent manere compellerentur.

lerentur. Jam verò quamvis reliqui omnes
 perfoluta quadam multa particula mox sua
 libertati restituerentur, longè tamen secus res
 Bidello successit, quòd se Brownus ei recentis
 non minùs quàm veteres ob inimicitias licèt
 admodum iniquis nixas fundamentis, persi-
 naciter opponeret. Etenim dum Vice-Co-
 mes urbis nonnihil jam esset propensus ad
 ipsum quoque pro libris decem numeratis di-
 mittendum, quominus id facere posset obstitit
 profectò nihil præterquam Browni crudelitas,
 ut qui nullis seu rationibus live precibus ad
 consentiendū flecti posset, quin potiùs contrà
 Bidello minaretur ipsum è carcere non pe-
 dem educturum, etiamsi totam multæ de-
 penderet summam, antequam annorum se-
 ptem finiretur curriculum. Neque profectò
 inane hoc terriculamentum quantum ad ipsi-
 us Browni propositum fuit, nisi summus
 mundi Judex & æquissimus innocentiae Pa-
 tronus aliter statuisset. Nondum enim sex-
 tum in carcere Bidellus mensem agebat
 quando morbum ex aëris intus concluli gra-
 veolentia contraxit, qui non perpeffionibus
 modò sed & vitæ ipsius paucos intrà dies fi-
 nem imposuit. Cæterum ut non extremæ
 rursus Browni possumus hîc inhumanitatis
 oblivisci, quòd nullâ eò posset induci ratione,
 ut ipsum, quòd faciliùs impotterum carceris
 quiret incommoda ferre, valetudinis emen-
 dandæ

dandæ firmandæque causâ aliò ad tempus deduci permetteret. Ita nec summam ex adverso Francisci Meynell Armigeri tunc unus Vicecomitum Londinensium humanitatem censemus omittendam, qui non iram Browni quicquam hîc moratus facillè beneficium summâ nixum æquitate Bidello concessit, quamvis id, Eheu ! nihil ei profuerit : mox etenim altero postquam è carcere fuisset e ductus die, qui secundus fuit Septembris anni epochæ Christianorum 1662 ætate adhuc dum validus, ut qui nondum annum vitæ septimum supra quadragesimum esset supergressus Londini proprio in hospitio placidè spiritum Deo à quo eû acceperat non sine magno vel amicorû dolore, vel gentis Anglicanæ damno, quintâ ante meridiè horâ labente reddidit. Ut verissimû hîc deprehensum est quòd plures ante menses non semel amicis dixit se mortem crebris de resurrectione deque futura felicitate meditationibus ad eò sibi reddidisse contemptibilem, ut ejus quantumvis alioqui formidabilis adventu atque amaritudine parùm aut nihil se territum iri consideret. Simulac etenim morbo cerebrum acriùs instantè rationis usum nonnihil deficere sensit, amicis qui tunc fortè præsentés erant, quò suæ res essent in loco significavit, seque veluti somnum capturus ipsemet in lecto composuit. A quo certè tempore ad extremum usque

que halitum, octo videlicet plūs minūs horis
 ne quā verborum parcus fuerit nunc dicam,
 adeo jacuit quietus, ut nihil in ipso planè
 deprehenderetur, quod vel ullius impatien-
 tiam doloris vel mortis incumbentis aliquam
 posset arguere fugam. Quantā verò spe fe-
 licitatis futuræ plenus interim fuerit vel hinc
 facile colligi possit, quòd cū Matrona que-
 dam pietatis eximie vires ipsius cerneret jam
 serè consumtas atque in hanc velut ei valedi-
 cens vocem erumperet, *Usinam in cælesti regno*
simus invicem visuri! statim alteram ipse ma-
 num quasi novis ad hoc viribus imbutus mirā
 quādam agilitatē sursum elevatam vibrave-
 rit, hoc veluti signo palam ostendens quā
 sibi votum cordi esset. Non autem hīc omit-
 tenda putem quæ mortis ejus jam adventan-
 tis non obscurum inter cetera præsagium ha-
 buere. Ut quod in ultimo coram amicis dis-
 cursu de futuro Christi judicio deque omni-
 bus ejus circumstantiis passim in scriptura
 proditis adeo plenum elaboratumque sermo-
 nem instituerit, ut omnes in summam sui ra-
 peret admirationem. Certè haud vana quo-
 rundam conjectura fuit singularem quādam
 Numinis providentiam hīc intervenisse, quò
 tantus hoc ævo Jesu Christi servus actu tam
 nobili colophonem docendi laboribus impo-
 neret. Quin etiam circa idem tempus ipsum
 nonnulli sæpe dicentem audivēre, se nunquam
 si

si semel adhuc in carcerem iniquis adversa-
 riorum artibus fuerit coniectus libertatis sue
 restitutum iri, quo ipso, significare voluit ul-
 timum vite sue terminum isti calamitati ale-
 ligatum fore. Nec aliud pertinet quod paulò
 ante mortem sepe profundas volvens in ani-
 mi excitationes in hac eruperit verba: *Opus
 consummatum est*. intelligens quemadmodum
 se postmodum ipsemet explicuit, veritatem
 sufficienter iam in locum esse productam,
 modò tam essent homines ingenui, ut non
 eam profiteri detrectarent, atque simul etiam
 innuens nihil iam prosequendum amplius re-
 stare, quàm ut positis mortalitatis exuvias pa-
 ratum sibi laborum ac periculis præcedere à
 Iudice omnium iustissimo lætus accipiat. id
 est. Postquam fidelis vite cursum hunc iam mo-
 dum descripsimus habebis ne fuerit aliquid
 etiam de scriptis ab eo in librum editis obiter
 dicere. Non est autem cur hic ea singillatim
 recenscamus cum in tractatu præcedenti suo
 quodque ipso memorare haud neglexerimus.
 Igitur quatenus ea rectè nec numerum multa
 nec voluminibus ampla sint, non itamen du-
 bitandum est quin ab æquis rerum æstimato-
 ribus multorum vallis anteponenda sint opo-
 ribus, præcipuè si hæc inter cetera paulò pro-
 pius expenderint. Porro quòd ipse quidem
 author eorum Vir fuerit cui prorsus persuasum
 esset veritatem ex se capto admodum
 facilem,

facilem, quippe planam & simplicem, sententiarum non minus brevitate quam paucitate delectari, cum errores ex adverso sicum orationis & ambages de industria perpetuo quarant ne facile discerni deprehendique possint. Deinde, quod eadem sine longi temporis studiorum nec non deliberationis quam exactissimæ partu. Etenim religio semper ipsi fuit quicquam in publicum edere quod non ante crederet talibus esse superstructum fundamentis quæ non ullis facile contrariis machinis labefactarique possent. Adde quod libelli ab ipso editi non instrumenta modò quibus antiquam cum de Trinitate tum de aliis etiam iisque præcipuis Christianæ Religionis articulis doctrinam suo primus omnium in Anglia nitori restituit, sed & arma sacra, quibus errorum monstra nusquam non impune grassantia fortiter profligavit, ringentibus interim ipsius adversariis. Unde etiam factum ut quoties aliquem probo subiecit tractatum, cavere non potuerit quin plurimorum inflexæ veritatis osorum nova in se odia & inimicitias longè gravissimas concitaret. Jam verò si quis hic fortè mirari se dicat, nihil ipsum adversariis, qui nonnulla ejus opuscula confutare tentassent, unquam repossuisse, paratam is apologiam pro ipso nos habere sciat, hac imprimis sussultam ratione, quod nihil in omnibus vulgatis contra se libris adeò solutu

solutu difficile repererit, quod non quilibet
 ex seipso facile deprehendat longè minoris
 esse roboris quàm ut fundamenta opinionum
 ejus consutare possit. Prudentiæ igitur hoc
 tribuendum est non imbecillitati causæ vixi-
 umque tenuitati, quòd cum Logodædalis istis
 luctari penitus detrectaverit. Ast dum hæc
 consideramus videndum ne illud interim o-
 mittatur, quòd opiniones ipse suas memora-
 tis explicatas libris, unà cum diversis aliis,
 quæ nec numero paucæ, nec ad pietatem pa-
 rum conducibiles essent, etiam in conventi-
 bus non docendo duntaxat sed & disputan-
 do suis auditoribus quoties aliqua suppetere
 occasio nequaquam instillare neglexerit atque
 inculcare. Nimirum, ut omnia paucis hîc
 pertinentia comprehendam, tanto ille pro-
 fectò veritatis divinæ inter homines propa-
 gandæ studio semper fuit ductus, ut cum vix
 ulla Christianorum secta hodie extet, quam
 non circa unum aut alterum dogma religio-
 nis errare deprehenderet, quò omnes in re-
 ctam reduci posset viam nulli penitus labori
 pepercerit, quinimo periculis etiam haud vul-
 garibus sæpe suum, quemadmodum patet ex
 antedictis, caput objectaverit. Sed nec minor
 interim promovendæ morum sanctimonix
 zelus ipsum habuit, ut qui veritatis cognitio-
 nem haud ignoraret eam habentibus detri-
 mento magis quàm emolumento fore nisi pie-
 tatis

tatis per eosdem fructibus exuberet, inò qui
 veritatem pietatis potissimum causâ censeret
 urgendam, quòd nòminem, cui mens ignoran-
 tia tenebris esset obfita, solidam ad pietatem
 posse pervenire crederet. Atque his etiam
 strictim memoratis, antequam hylum narratio-
 nis abruptamus, haud fortassis ingratum le-
 ctoribus fuerit de corporis ipsius & animi do-
 tibus deque virtutibus imitatione dignis pau-
 ca quædam superioribus attexere, quæ non
 tam commodè hactenus à nobis potuerunt
 offerri. Quantum igitur ad corpus, staturâ qui-
 dem ille fuit, ut non curâ sic nec admodum
 procerâ, membris aptè conformatis, capillis
 aliquantulum & fuscis & crispis sed mediocri-
 ter promissis, fronte sursum exporrectâ, ocu-
 lis nigricantibus, pulchro oris habitu & exi-
 miâ maiestate vultus. Lingua ad animi con-
 ceptus explicandum satis apta claraque, ge-
 stibus summâ gravitate temperatis, incessus
 erecto & nonnihil concitato, sed qui virum
 maxime deceret. Adhæc firmâ plerumque usus
 est valetudine, nisi quòd circa vitæ finem do-
 lor in artuum juncturis genubusque nonnun-
 quam eum infestaret, ex diuturno carceris eoq;
 sæpius iterato squalore prout credi par est
 contritus: quin & oculorum ex usu nimio
 legendi tandem hebesceret acies, ut nocturnis
 ad candelam ab lucubrationibus firmè absti-
 neret; sed ad reliquos quod attinet sensus,
 nihil eorum integritati defuit. Jam verò si
 quis interiorem hominis contempletur habi-

tum, is profectò eximius illi si cuiquam nostræ ætati extitit. Habuit siquidè animū ad sublimia quæque fictum à natura atq; formatum, iudicium acre, perspicax, minimeq; vagum, memoriam vastam ac tenacem, omniq; tam felicem ex parte, ut non in ipsis modò disputationibus adversariorum argumenta quantumvis proluxa verbatim repetere magna cum audientium admiratione quiret, sed & summam plurimorum quæ perlegisset voluminum adedò retineret fideliter, ut quicquid in quolibet eorum notatu cumprimis dignum occurreret, facile ubi occasio ferret, edisserere posset. Atque his tam variis à Deo muneribus veluti meritis instructus, adedò omni eruditionis genere capacissima pectoris sui scrinia repleverat, ut merito Britannici Phoenix orbis ac gloria, nisi invidia oblisteret, nuncupari posset. Et in divinis quidem maximè omnium excelluit, utpote qui nihil unquam antiquius agendum sibi statuisset, quam ut scripturarum arcana scrutaretur, quò ad salutiferam omnisq; adedò solatii plenissimam eorum intelligentiam Dei benignitate pervenire posset. Non autem hìc ille vel Patrum, quos vocant, autoritate duci, vel Theologorum ævi recentioris explanationibus alligari se passus est, quòd longè tutius existimaret in omnibus, quæ vel credenda sibi vel faciendà forent, simplicem sacri codicis normam & rationes juxta eandem propriæ & quæ directionem. Et quia iudicii rectitudo normæ rectitudinem sequitur, quò errori hìc minus

minus esset obnoxius, non tam hujus Biblio-
 rum aut illius fidei versionis, quam textus Ori-
 ginalis niti voluit autoritate. Quam autem
 eximie fuerit in scriptura versatus, hinc etiam
 intelligi potest, quod omnes epistolas Pauli,
 non juxta Anglicam modò translationem,
 sed & græcè verbatim suâ complecteretur me-
 moriâ: quin & reliquos instrumenti utriusq;
 libros adeò sibi reddidisset familiares, ut non
 ullus à quoquam locus, aut etiam ulla cujus-
 piam loci pars posset unquam proponi, quam
 non ille confestim ubinam extaret, indicare
 valeret, id quod ipsi profectò non tantùm in
 instituendis sermonibus sacris, sed & in dispu-
 tationibus quâ privatis quâ publicis magno
 contra adversarios adjumento emolumentoq;
 fuit. Cùm etenim tam amplâ semper instru-
 ctus esset armaturâ, facile quoties cum adver-
 sariis manus conferuisset, ipse quidem illis ce-
 leriter confusis atq; profligatis victor à pugna
 recessit. Hic tamen ipsius raram non possumus
 non suspicere modestiam. Quamvis enim plu-
 rimos, etiam qui famâ alioqui celebres essent,
 parafangis post se non paucis in eruditione re-
 linqueret, eâ tamen semper usus est modera-
 tione, ut se umbra quidem ostentationis in
 ipso deprehendi posset. N mirum non in pri-
 vatis modò sed & in publicis disputationibus
 nil nisi candidam perpetuò simplicitatem spi-
 ravit, missisque scholasticorum tricis popula-
 rem cum omnibus agendi viam intulit, ne
 quis id ipsum quærere causaretur, quò aut af-

festatâ quâdam subtilitate aut ambiciosâ ter-
 minorum obscuritate aliis, præsertim imperi-
 tioribus, posset imponere, suisq; in animis co-
 rum admirationem excitare. Quo illud etiam
 a credit, quod, cum ubertim omnia penes se
 haberet, quæ formandæ ex iis, quos sibi vel
 potius veritati devinxisset, atq; ad eò erigen-
 dæ secundum antiquam primitivæ Christia-
 norum Ecclesiæ disciplinam societati servire
 possent, ne tamen moliri tale quid videretur,
 ad quod ipsum adversarii nullâ prorsus orna-
 tum aptitudine calumniari possent, imprimis
 quod persuasum haberet, se non minus absq;
 certis Ecclesiastici regiminis formulis, quàm
 cum illis mortalium posse salutem promovere,
 haud ullam istis utendi occasionem, præsertim
 ad famam sui nominis propagandam, arripere
 unquam voluerit. Hæc proinde causa fuit cur
 amicos suâ hîc libertate uti permiserit, nul-
 laq; ipsos ut sibi, sic invicem esse devinctos
 obligatione desideraverit, quàm quæ ex ipso
 in opinionibus circa religionem consensu neq;
 non ædificationis mutua rationibus orta cu-
 jusq; conscientiam impelleret. Taliter autem
 ipse cum aliis conversatus est, ut à sinceritatis
 Christianæ, debito severitatis condimento
 temperatæ regulis haud unquam recederet. Nâ
 ut in illorum facile consortiū se demisit, quos
 pietati deditos zeloq; veritatis accensos depre-
 hendisset, quantumvis alioqui sortis essent con-
 temptæ, sic è regione multum ab iis abhorruit,
 quos morū sanctitatis curâ abjecisse cerneret.

Cerrè

Certe nè paucas quidam cum homine profano de religione verba miscere sustinuit; præterquam quod cum hortari consuevisset, quod planis Jesu Christi præceptis mores & vitam prius conformare disceret, quam de sublimioribus Evangelicæ pietatis arcanis ullum insinuare discursum sua interesse putaret; Sed nec minus illos sugere solitus est, qui eam veritatem nōssent, eam nihilominus temporalis emolumenti causa profiteri nolent; & ut profiterentur, non tamen candide circa religionis officia se gererent quatenus ferè etiam obtendentes prudentiam, eorum certus religiosos frequentare non dubitarent, quos extremè sibi causa veritatis ejusdem scirent esse infensos. Neque aliud de fuit, quod numerus eorum, qui partes ipsius æquum existimarent sequi, non tam extitit amplius, quàm si hac seposita iustâ severitatis virgulâ comitati promiscuè litando cunctos ad se studuisset allicere. Non tamen hoc ipsum impedire potuit quò minus eximium desiderii sui consequeretur fructum, quatenus in ista quidem paucitate magna non minus sinceritas quàm in tolerandis propter veritatem perperationibus constantia emicuit. Jam verò ipsius constantia & fortitudo in causâ Christi tuenda, tam fuit eximia, ut, dum aspera cunctorum odia pessimasque Adversariorum machinationes despiceret, temeritatis à quibusdam, non satis intelligentibus, quosque pro veritatis decertandum sit honore potius accu-

accusaretur, quàm laudaretur ob dignam veris Christi servis fortitudinem. Certè raram ejus fiduciam, quàm unicè collocatam in Deo habuit, magnumq; adeò rerum ævi præsentis, secundarum non minùs quàm adversarum, contemptum, vel hinc animadvertere possis, quòd cum facilis ipsi via pateret ad mollem vitæ conditionem, ac honores seculi, idq; ob præclara virtutum ac eruditionis quibus fulgebat, ornamenta; ipse tamen D. i vocationem ac salutiferæ promotionem veritatis fecit, ut ejus causa, non solum à prosperis omnibus quæ in hac vita contingere ipsi alioqui poterant, suam penitus averteret curam, sed & seipsum, ceu victimam, publico devoveret odio inimicorum, atq; adeo cunctis miseris, necessitatibus, periculis, contumeliis & execrandæ apud omnes memoriæ promptus exponeret. Neq; profecto istis meliora ab hominibus sui seculi unquàm expectavit, animatus interim spe rerum post exantlata vitæ præsentis tæda meliorum. Et sanè patientia videtur perfectum in ipso opus habuisse, dum tam varias tamq; graves afflictiones adeò placidè ac hilariter pertulit, ut nè vel minima contra insensissimos sibi adversarios irâ aut indignatione unquam commoveretur; quin paratissimus semper fuit ad eis non ignoscendum modò, sed & pro viribus beneficiendum. Neq; est cur quis adeò mirari debeat tam eximie virtutem istam in eo fuisse radicatam, quum maximè sibi semper metuerit,

erit, ne dum asperis persecutionum malis
exerceatur, ulla in se impatientis animi signa
generoso Christi milite non satis digna, con-
spici possent. Et quod Zelum divinæ spectat
Gloriæ, is equidem tantus in eo tamq̃ con-
stans fuit, ut nec violenta Adversariorum
crudelitas, nec ignava quorundam amico-
rum frigiditas, quicquam ei delibare un-
quam potuerit, quinimo hisce exercitus in-
commodis vires potius & augmentum sump-
sit, instar ignis, quo tempore hyberno ab in-
clementioris aëris antiperistasio ardet vehe-
mentius. Rara ejus prudentia adeò in omni-
bus vitæ ipsius partibus semper emicuit, ut
vulgò pro homine callido & politica subtili-
tate res suas tractante haberetur, quanquam
nemo esset, qui candidius & majori cum sim-
plicitate cum quoquam ageret. Ad hæc maxi-
mè consideratus fuit atq; sobrius in colloquiis
ac sermonibus suis, ut nihil unquam ore emi-
serit quod impuritatem, stultitiam, aut scur-
rilitatem, aliquam saperet, quemadmodum
nec alios talia coram se loquentes ferre potuit.
Castitas in eo tam admirabilis fuit, ut cuncta
ipsius membra manifestè viderentur exactam
raræ illi virtuti & strictissimis ejusdem regulis
obedientiam didicisse. Quam non avidè
res mundanas captaverit, hinc faciliè discas,
quod curam earum planè insuper habuerit,
contentus iis, quæ pro tempore præsentis ne-
cessariis usibus suis inservire possent. Et
quamdiu suo ipsius labore ac industria acqui-
rere potuit quantum vitæ licet duriter tole-
randæ,

randa, & corpori utrunq; amiciendo suffice-
rent, ne ab intimis quidem amicis quicquam
accipere voluit, quamvis ab ipsis liberrimè sibi
fotet oblatum nisi quòd post exactam septen-
nalem piam sui restrictionem, de qua nonni-
hil supra loquuti sumus mense ac hospitii be-
nèficiu ipsi ab amico Londinensi, nolente a-
liter contentus esse fuerit impositum. Devo-
tionem ipsius dignam memoratu censemus,
ut qui dum suas Deo preces commendaret, ad
exemplum viginti quatuor seniorum, de qui-
bus in Apocalypsi legimus, solitus esset humi
non raro se prosternere, commendans istam
morem adorandi etiam amicis sibi maxime
charis. Neq; contentus esse voluit statis tem-
poribus devotioni suæ dicatis, sed & alias sem-
per ad celestia mentem elevatam habuit,
non tantum dum solus suis meditationibus
vacaret, verum & cum in aliorum esset con-
fortio, quibus maxime devotam erga Deum
pietatem suam frequentibus indicis quamvis
alioqui de industria celatis detexerit. In sum-
ma nihil hic deerat viro quod ad perfectæ
virtutis ac solidæ pietatis laudem requiri pos-
set, quemadmodum libenter illi ferebuntur,
qui paulò diligentius viam ipsius ac con-
versationem perspexerunt. Ad quam certè
perfectionem non aliter ille pervenit, quam
quatenus ad eam sollicitè & singulari cum a-
lacritate persequendam acquirendamq; ani-
matus fuit firma persuasione non tantum de
possibilitate ejus sed & ad obtinendum salu-
tem necessitate, quam alii, quibus carnalia cor-
di sunt desideria, nequeunt admittere. *Finis.*

.
.
i
n
è
.
.
r,
is
-
m
is
a-
ca
-
r,
n-
tè
am
a-
ni-
de
lu-
or-
in.